

永嘉王氏家錄卷之二

萬十一府君墓誌銘

嗣叔孫果

我王氏世居永嘉英橋里奉萬十一府君為始基祖自所知也
 府君墓在里中西門洋按舊譜載府君與方上地師謝君相厚
 善謝曰公長者吾有以報公一日指是地謂府君曰諸墩阜自
 後山來降而止于斯誠為福壤是月十日可施工下有石如砥
 見石當止值生氣乃下塘如其言穴土果得石又適牛產一犢
 時以為異墓後負山前滙巨浸兩沙互拱中稍左有小洲為印
 府君墓莫茲鄉迄今幾三百年初弗不治嘉靖壬辰果祖溪橋
 公葺之樹門闢壇繚以周垣割田歲供祭墓先考叅議東厓公

裕

仍建祠世祀興墓蓋相望焉追唯祖德茂積啓我後人奕葉百
千傳芳濟美而堪與家物色丘隴謂發祥由之其信然乎

樂善王公墓誌銘

邑人金原祺紀善

處士姓王氏諱珍字伯玘其先祖五代唐晉間自閩徙居永嘉
之英橋里曾大父諱辰大父諱惠父諱仕宜母吳氏處士端嚴
諒直父性嚴毅事之曲盡必得其歡心與人交久而益虔至聞
善則若自己出惟恐有不及也治家儉而有節家日裕尤喜行
陰德所過橋梁堰道有傾塌不便於民妨農害稼者捐貲善治
不計工力多寡必期完固方以陡門地衝而善潰先是郡邑修
築役非其人費鉅無成績處士默議任事踰月即告成闢家塾

延師教子弟特往觀省凡古人善可為法惡可為戒者率使之
成誦從所論其大旨開諭之故其子孫皆恂恂以孝友稱平生
少疾病年既耄而耳目聰明遇賓客則觴咏談論愉愉如也嘗
曰我於世無他好所樂獨有善耳因自號樂善處士娶胡氏有
淑德先三十年卒葬柩祖塋之側繼室吳氏子男一毓胡氏
出也孫男七環琛瑤琪瑜由城瑤邑庠生女四處士生於元元
統二年甲戌十一月十三日卒於我明永樂二十年壬寅六月
八日享年八十九以卒之又明年甲辰十二月十九日葬於膺
符鄉半山先期其子毓奉狀請誌其墓其孫瑤從予學故不辭
而為書其行實如左嗚呼處士於事親理家御眾耐物咸出於

禮義而無矯俗干名之心使有一命之寄以摭其蘊當不止此
已也其永矢勿終老林泉詎非命耶然躋上壽享富饒子孫
之盛既然是福善之報既福其身裕其家而又昌其後也歟
後之人過其墓而指曰此樂善處士阡也見所修橋梁堰道而
指曰此樂善處士蹟也斯其銘百世不泯較之得志一特而無
聞於後者其得失相去遠矣

王樵雲公墓誌銘

邑人方祖安
刊於中

友人王秉圭以宣德戊申冬十一月葬其父樵雲處士邑之膺
符鄉半山祖塋先期奉狀以墓銘為請予與處士有文會之雅
而其季子瑀人有同門之舊諒不可辭按狀處士諱毓字尹成



號樵雲世居永嘉沙城英橋里曾祖惠祖仕宜父珍母胡氏處
士性明敏慈惠好讀書不喜佛老學於禮義事勇於力行以
剛直任之遇暴妄者雖主于嚴正而從聞諭人多示以恩意
故聞處士令譽及見其表儀必改容起敬從而悔化者有之家
饒裕尤好周恤族里間老而孤嫠者貧窶者生有給死有賻婚
嫁有資里嘗失火一望為墟輒指廩賑之賴聚活者數十家其
陰德固多而大率類如此結廬於先人墓下其言曰我父葬於
斯我其廬於斯乎當屏人間事付諸子從而樵採於雲中焉乃
表其廬曰樵雲人因稱為樵雲處士性不善酒每對景有文字
會必痛飲賦詩劇談為樂所著詩曰槐陰集樂府曰蛙鳴鼓吹


配謝氏子男七長環即秉圭次琛次瑀庠生次珙次璠謝出次
由側室楊氏出七域庶出女一處士壽六十有七蓋生於元至
正庚子十月十五日卒於我明宣德丙午八月十六日也時聞
者自姻戚至於里之老稚罔不嗟泣至有仰天嘔慟經信宿不
已者嗚呼處士感人之深至於是乎 碑之在人口銘之在人
心其事信其論 沒世不忘也不愈於得志而稱無者乎然
以之傳於將來則伐石琢辭又惡能已耶乃為之銘銘曰厥德
允臧厥才孔良不耀其銛而所澤則滂今也云亡爰宅茲岡宜
爾子孫茂且昌

王樵雲公傳

太倉王世貞南京刑部尚書丁未進士

樵雲公者王氏諱毓而尹成溫之永嘉人嘗葬其父珍矣而不
忍去也廬其傍扁曰樵雲而公好詩著槐陰集多與其社中唱
和社中人亦遂呼之曰樵雲公云而自樵雲公之先世居永嘉
之華蓋鄉英橋里俱有陰德以壽考終四傳而至公公少侍其
父謹甚恒韋韞而治饗膳既成則衣冠而薦隅之 竟餐覆器
乃退不者屏營不自容亦竟遜 箸矣問少失父意長跪謝過
非強之起不起也而樵雲公喜耕以其羨規為子母之息宛轉
佐歲恒不乏公有七子環琛瑀璠璪由域先後為起甲第相望
公又好施予以軀赴人之急比隣火數百家皆燼公指廩而予
之俾稱力自取給其孤寡毋論踈戚以指計衣食視公若庠庠

也公一言而取成者奉以為符節毋爽矣七子之子二十八曰
堤坦暨壯在瑾塿境封佳墀坡塔佳基壇陸垣階填陞垣塘塾
城均塋堪二十八子之子九十四而始有以詩書之業起者然
猶用子孫顯曰封通政司右通政鈺南雄教授贈大理少卿錄
訓導錫其人也九十四子之子二百六子而益顯曰太僕寺丞
清布政使左叅議澈國子祭酒激鴻臚序班漢贈太僕丞沛教
授洌贈大名推官范右僉都御史諱其人也二百六子之子三
百五十而顯者曰推官良弼鴻臚序班良慶鴻臚署丞叔懋按
察司副使叔果叔果按察司僉事贈太僕少卿德光祿寺署丞
叔本其人也三百五十子之子四百九十而取科名其顯出則



木艾也王氏固彬彬文學忠節政術著矣叔果奉使者璽書治
吳而以間過予曰英橋里蓋山海都會云其初磊珂不可道灌
莽相屬自樵雲公為第七而各以其力自闢數里之內鱗次櫛
比矣乃孰非輩路籃屨以啟山林哉卽亡論他姓而王醇為其
族成大都矣日不穀兄弟稱海誓率宗賦城之幾與郡雄埒
外史氏曰吾聞之崑崙之涓涓流耳歷數百千折而派分灌漑
九州之大半抑何神也當樵雲公時而高皇帝獨身杖一劍以
掃制六合周之孫子其麗不億樵雲公憐然隱夫耳卽其後亦
遂彙發且世世服人主休采稱喬木者何居也造化之培栽有
專德固大成大小成小哉

明封中憲大夫通政使司右通政溪橋王公墓誌銘 晉江
中。河南左參政。嘉靖丙戌進士。

温州永嘉英橋之王氏有老而號溪橋翁者生為鄉人所榮而
交慕之沒相與哀之而祭之於其社翁嘗以兩子武庫君司成
君貴衰為封君人不稱其爵命而稱其居蓋以德掩其貴也溪
橋未為翁所治潦水鍾之浸為廣斥過者不晚翁獨售馬斬菴
茨決垢污作室於其間時猶貧也而繩板之所樹引尋尺之所
畜度深廣而高衍或疑其壞之不吉以為翁憂又有笑其側者
曰胡所取財而室巨如是其為築於道傍爾矣翁聞不顧治之
不倦今之藿葵變為葦草之華垢汙變為堊砥之美而位置觚



下

隅滿其繩板之所至尋尺之所揆無少缺夫器幣服物童指玩
植以充備其中亦稱向之憂且笑者或已不及見而使他人追
訾其愚其及見者皆自悔責其識事之近量人之淡而益以翁
為不及也始喪其父封早孤而家又貧也奉母周氏兼畜諸弟
經營毛容母嘗足甘旨而諸弟衣食甚均其意氣暇裕無纖細
苦急之態遇有當費曾不吝情力以副之於入無所忤而當有
勢者在前亦漠然無所愧詘也其後貴富矣足以放其欲以夸
世駕俗見謂得意願獨惆悵自好不以侈張具取娛快故輕糜
貸用其過物尤醇與敵以下為釣情慙而貌恂非縲為恭愿買
兒童口吻收不驕之聲而內存矜喜有不能制時肆發而竊露

者也其和氣內溢老而彌盛目光燿燿深夜廣坐炯然與炬相射鬚眉龐皓顏如渥丹觀者皆驚為神緯意曠度濟以溫色疊疊談辯問出於嘲詭綠竹雜作嘈啁喧耳聽受有節賞工摘誤與少年好事均其均精溪橋之居既大翁以德蓋為人所尊事媚愛往者輻輳門無停容舉盞宴游之洽微時所識有所不給咸以翁為歸施貸賑卹不自為量歌舞其德所在有之故其歷年滋多備人生之歡嘉而不得者不以為怨翁既貴猶念其所自曰微先人積德以遺我胡以及此始祖惠高祖珍奕友奕墓弟不治惻然追新之治其曾祖毓祖珙之墓尤嚴而割田以入大宗之祠必選其曠美諸費甚鉅嘗不以一銖變歛其族蓋其

行誼篤厚如此嘉靖丙申七月二十二日卒去生景泰庚午閏八十七年矣卒之日弔者數千人哭無不盡哀者其仲子國子祭酒澂以聞于上為賜祭葬寵之以閔其孝公名鉅字九思封通政使司右通政卒之年十二月伯子澂與弟澂沛卜吉于先域半山之原而與蔡人張氏合葬焉故相張文忠公乎敬之兄德壽配翁有孫五人叔懋鴻臚寺署丞叔程國子生叔果兵部職方司郎中叔果進士叔本恩生可以知為善者之所享也葬之日鄉人相失祖真子途引柩而泣者數百人緇長數十尋不勝執已奠則相欽錢為祠繪像祀焉蜡亭齋饋必俎豆之期於久而不廢蓋英橋鄰壤凡五都瀕海而居其土積齒其業宜鹽

故置塲名永嘉以權之其民籍皆係於灶歲賦鹽入庫轉餉差
上徵以其力之所出而不責非其有而近歲有司重以折色之
徵椎膚剝髓不能充也公謂竈地半圯於海民輸具有已不贍
而重以折色是責未於盤缶鑊釜之間非其出也為書具言灶
民所以窮迫不堪重賦之狀甚明切以上于朝天子覽而憫之
下其書浙東均折色於通縣之不為竈籍者五都之竈民得以
不徙死故其葬五都之民送之尤悲挽柩行者累踵駢肩恐不
得負緋為恨又無以自慰而國祀之於社以記不忘嗟夫士有
當世得位力足以施於民而卒無一善狀其生其為人所詬嫉
至於死猶追數其過以咎之何限其不足懷於人泯然死以而

人不知者又不知幾何人翁無尺寸之柄而歿有以得民如此
不獨其行誼之厚其才亦有踰人者是可銘也翁之伯子武庫
君不遠千里寓書於予先人之墓圖所以告諸幽者非得能言
而可信於後之君子不敢以託故葬既久而未有所託今敬以
記子矣武庫君之贊而多與海內之名公雅故所以重其親之
終事而其稱銘之言如此余其可辭銘曰
深坎而周封以為之宮其藏之審其樹之崇千百歲之後過者
必恭相相與松

王通政公傳

華亭徐階少師大學士
文貞嘉靖癸未探花

通政溪橋王公永嘉人也諱鈺字九思居邑之溪橋因以為號

有子三人長福建叅議澈次國子祭酒激又次贈太僕寺丞沛
孫五人叔懋鴻臚署丞叔程國子生叔果廣東按察副使叔果
蘇松兵備叅政叔本先祿署丞曾孫十一人光慈舉於鄉光裕
先祿光慈先蔭光著光華皆為郡邑博士弟子光祖先薦普先
美皆受業天子之辟雍仕者能官學者雄於文而兵憲君尤治
行著海內翁然稱望族然言德澤教範則必曰自公始公少年
喪父能自樹立奉母孝撫諸弟成家規猷宏裕若素富貴者及
既富貴乃更自歛飭屏迹鄉居日以孝謹約子孫及其宗人諸
當道禮之特至公恂恂辭謝於鄉土利病所宜興革沉抑所不
能伸者則毅然建白而一無所拘力能為者以身肩之性喜音

樂有期功長輒屏去容以謝安石事告愀然起曰吾不忍為也
與人無貴賤為禮必均而愛甚周賑貧濟急壹壹無倦色而尤
恤宗族徧修其祖母構墓廬又置田以供祀事前後費鉅未始
歛其族人一錢嘗因二子仕于朝上書闕下言永嘉塲窳戶折
色之累詔均諸一邑窳戶賴以不徙死故公之生也諸窳戶相
與頌之卒也相與哭之葬也引柩而送之緋長數十尋不勝執
已又相與建祠屋繪像祀之嗚呼此豈徒德公哉其行與事所
以感之者素矣公曾祖毓祖珙父封世隱德勿耀配茶人張氏
故少師文忠公女兄德壽孀公公以祭酒貴封通政司右通政
卒於嘉靖丙申七月享壽八十七訃聞世宗皇帝錄祭酒日講

功賜祭一壇其年十二月賜葬于先域半山之原張恭人祔存
 齊子曰昔王祐手植三槐于庭曰吾子孫少有為三公者後卒
 如其言是豈漫期而偶中哉其培植積累者有素誠自知其必
 昌顯審也予聞王公始作室溪橋時贊力猶誣乃所規畫表置
 獨深廣高衍眾咸笑之已而室竟成及今八十年子孫之生其
 間者詩書簪紱相繼而盛非公樹德韞善大其緒而昌其後
 孰能有比予與祭酒同舉進士尋督浙學政行部至東嘉東嘉
 人誦公賢因就訪於英橋故里周覽形勝其居左山右海襟帶
 澄湖為一方英靈所鍾聚云頃兵憲君伯仲緣族居築壁向予
 談其山川猶恍然在目堪輿家福地之說溪橋殆專之矣嗚呼

維溪之原不濬而深公子孫世世引長之今之英橋不將邁昔
 之三槐哉

明封恭人王母張氏墓誌銘 台郡趙大佑南
京刑部尚書

予嘗容永嘉有稱王恭人之賢者予訊之曰恭人封通政溪橋
 王公之配福建左叅議國子祭酒二王君母少師張文忠公之
 女元也兩族聲望甲東甌郡恭人實兼有之迺愈自降約若布
 素家女夙夜惟勤以身先閭內故閭內事無不斬斬事姑周夫
 人孝謹諸子以德業顯自期功滿歲下逮僕御之賤丐販之徒
 罔不周其患賑貧郵哀無餘力族子之妾葉氏者嫠而苦節所
 親欲嫁之恭人曰傷哉人之志善而勿克遂也乃召其親明大

義而託之時撫而振勵之後竟以全節顯其成人美類如此蓋其治家以嚴以勤以儉約而慈祥憐恤之意則又周洽于人人也可不謂賢乎予聞而嘆曰嗚呼吾廼今而知天道福極之微其所由來者遠矣身自溪橋翁艱難創始亦惡敢厚望於造物者曰我後必如此如此茲不十數載而二子並列朝省諸孫方濟濟繼出以科第文學世其業予竊疑王氏之盛其先必有碩人長者大積而深藏厚施而薄享以開其先而世所不及知者今觀於客之言則其萃和孕秀而造端於閨閨者其力居多矣夫孟軻叔向之賢有所由始而大姜后妃寶肇王跡故曰婦者家之所由盛衰也然則恭人之德之懿殆天之以啟王氏之祚

也與然予方少也聞道文忠公事也者曰公以姊得生謂公之始生父母以日薄懼罔克見少子成立欲勿舉恭人內不忍乃緣物為識家語曰養則當大起吾族父母悅而收之已而母謝夫人卒公且幼恭人泣曰天道屬人道析茲非吾弟乎吾弟吾弟之也由是撫愛備至令二子與同學業卒以成器入相今天子張族果大顯予竊嘆夫人世貴生男子不貴生女謂子賢或亢吾宗女即賢無補今張氏之興自文忠公文忠公之生由恭人則恭人寔亢張氏之宗矣恭人生而二氏之宗俱益大其所利賴於家國者夫豈微哉恭人以景泰癸酉九月十五日生於永嘉之滄湖里長適溪橋公瑛橋公諱鉅有碩德與恭人宜于

嘉靖乙未六月十有六日先公一歲卒享年八十有三蓋並壽
云其將卒也二子一弟咸適自遠至聚首凡數月乃卒人以爲
令德考終之報云父諱昇大父諱敏曾大父諱轉實俱贈少師
兼太子太師吏部尚書華蓋殿大學士妣高氏繼陳氏祖妣徐
氏曾祖妣王氏俱贈一品夫人子男三長澈福建布政司左叅
議次激國子監祭酒次沛贈太僕寺丞女一適張鈺孫男五叔
懋鴻臚寺署丞叔程國子生叔果兵部職方司郎中叔果進士
叔本恩生曾孫男十一先裕先祖光盛先薦先錄先普先蕙先
美光蔭先著先範卒之年十一月叅議君偕其二弟奉柩於祖
隴之半山窆焉上以仲子激經筵官遣有司合溪橋公賜葬蓋

特典也士大夫榮之時墓未有銘至是職方君以尊公之命來
請予雅慕二大夫名德且爲母黨媼媿勿敢以不文辭序而爲
之銘銘曰

倬彼南畝弗耕胡穫相我君子以樹厥德黍稷旣盈孰獲匪耕
濟濟孫子食舊德貞高原膺膺爰宅所止貞松可摧令德莫毀

明福建布政司左叅議贈朝議大夫東厓王公墓誌銘

張時徽南京兵部尚書

余與永嘉鶴山王公同舉進士一見大哥之輒引爲道義交摯
摯推轂如恐不及諛者以爲罕比公卒乃不得銘墓而表其遺
文沒齒有餘憾然茲伯氏東厓公卒其子職方君遠來乞銘余

蓋慨然興思曰公之兄即吾兄也銘其兄即所以銘公矣據狀
公諱澈字子明別號東厓世居邑之華蓋鄉英橋里王之先舊
傳五代唐時自閩來徙近傳自台之黃巖宗乾間以海患蕩析
莫邇其宗今稱始祖萬十一府君惠自所知也惠生任宜任宜
生珍珠生毓是為樵雲府君公高祖也大王氏者自樵雲府君
始嘗祖珙祖封父鉅魏溪橋溪橋翁有德德鄉人戴之祀于社
以仲子祭酒公貴封通政使司右通政母張氏封恭人少師張
文忠公女兄也公早歲穎異好學與舅氏少師公及仲氏祭酒
公自相師友游庠序赫然有聲每試卽首多士一特稱士望者
必曰二王云正德癸酉鄉嘉靖丙戌仕為禮部司務歷陞兵部

車駕司員外郎武庫司郎中隨其所司而奉法懋績公鄉僚友
多加愛敬時少師為首相祭酒公又官銓曹眾方艷屬公退然
自抑一以忠信周旋扶植善類不遺餘力卒未嘗宣諸口齒而
縉紳先生至今稱之不衰嘉靖甲午會配潘宜人卒于京遂告
乞以歸時溪橋翁暨張恭俱壽大耋公承權左右方走疏終養
而福建祭議之命且至竟不赴未幾連遘大艱服闋遂再疏乞
休致時乃閉門却掃日惟以推贏賑乏敦禮舉義為事建始祖
祠費千金不以絲粟煩其宗人著族約立約正司訟司糾旌察
淑慝有陵噬忿爭者則違約聽之不使煩于有司割田供時祀
每歲立春祭畢大會族眾歡以酒食中以訓辭衣冠來集幾千

人肅雍雍雍如也若孤嫠老疾死喪無告則出餘帑周之丁田積斂賦役易清則幾族丁產為丹籍籍之家有素貲而黜靡戒會自奉如在約顧用以義則厚指弗靳其亢宗貽後類如此家居恥事請謁至鄉土有急難及利弊所宜興革者又汲汲引為己責所居濱海舊籍沙城衛鹵地歲久蕩蝕且盡公承溪橋翁志願眾築石堤寔詆樂業而鹽課賴之嘉靖乙巳歲大饑米價驟翔道殣相望公指廩減價平糴復廣設糜粥以待餓者日就食踰千人兩月始罷所全活無算已公器宇凝重性度坦夷謙謙下人隨貴賤小大遇之如一卒不由於矯不妄喜不留怒不忿舊怨惟德則必酬是非好醜臚然於中顧多務含蓄而發於

義者固侃侃也予識公即署中而信其德厚如此蓋不特狀而知也夫士君子進則澤天下退則仁施一鄉其志之所期與業之所就得於此而不得於彼者恒多也公徊翔郎署十餘年所治固不越常職方少師公持大議時諸建置進退震警中外公從容調護少師公多信從而忠賢藉其蔭庇于今猶昭昭人耳目林居二十年身急鄉族如行宗約餉饑民賑貧郵匱諸行事雖在公為庸行而鄉之人受賜被德則不可數計矣視夫進而徒張聲勢退而自足娛樂者其為人何如哉槩公之平生孝友刑于家溫恭豈弟孚於族賢聲義聞洽於遠邇卒之日自緡紳及閭巷莫不咨嗟痛盡欲起公而不可得吁此可以定蓋棺之

論也公生於成化癸巳九月三十日卒於嘉靖辛亥九月十三日享壽七十有九子男二長叔果嘉靖庚戌進士今兵部職方司職中前以職方主事滿考贈公為朝議大夫次叔果嘉靖壬戌進士今兵部車駕司主事女一適南康縣丞嚴孔昭孫男四先益舉人先薦光普先美俱國子生卒之又明年正月八日果等卜葬宋公之原族子愈憲君德狀公行實事甚核而文甚雅馴余因而為之銘銘曰

恩厚其生總茲百祿曷篤其慶華茲似續皇國之楨鄉邦是淑昭哉令德俾也猷穀膺膺佳城吉其得卜有鬱者松有苞者竹碩人收藏如金如石宋墓之原過者必式萬曆十五年九月改

故

葬于五都茅竹山

王東厓公傳

郡人侯一元江
西左布政使

易曰天助順人助信而順則詒之多福信則傳之榮名猶揚梓樹臬然響影已臻矣然則善不得不福福不得不名而世乃多言陰德玄喜何哉有以夫其欲廉取之而厚食之乎其取愈益廉者其食亦愈益遠矣

外史氏曰吾溫氏大夫最盛者咸推永嘉場王氏王氏推崖翁其富貴長壽多男子賢而有文高朗而令終自諸福之物前世所不能兼者至翁咸有迺至父子兄弟累世相襲起家甲第又相禫為司馬部吏出入本兵之署若其家術然聲施于塞外文

武之績貽之無窮豈不亦偉哉非盛德其孰能當之薦紳先生
既咸歆豔之則爭傳東厓先生行事著其所以然洋洋備矣余
獨以先生顧尚有深博隱德世所不表者也以不標故能名之
其以緼福釀積不亦宜乎余則以暇日為之傳焉

傳曰東厓先生王以諱澈字子明其先自台徙永嘉至先生八
世矣父曰溪橋翁隱君子也而有奇節達識身居約而恩澤乃
蓋其一里里人以為歸歸然其若素封巨室也事具閩人王道
思先生誌中溪橋翁九三男先生其伯也自少好學能文為諸
生試常冠與仲祭酒公鶴山先生齊名競爽稱二王焉母曰張
太恭人少師張文忠公姊也少師公之生乃後先生二年其成

進士也則先先生次則祭酒公而先生之舉則癸酉也故一時
甥舅昆弟出入相師友然少師公內獨愛先生悅安之莫與為
比居久之少師公以議禮起遷五六歲間至閣老而先生選為
禮部司務尋遷司馬郎仲以名進士入吏部相與同朝而閣老
公獨內敬先生如故時所言常聽鄭人尚書張公所稱以忠信
周旋扶植善類者蓋多有之先生以執政愛甥力足以躋臚躐
要不碌碌然其徘徊即署者十年乃始陞為福建叅議猶常諷
也是特二親並大耋優游在堂而先生適吾歸日戲絲娛樂之
因遂不赴而先生身所樹立地望種種甲于里中矣曩少師公
之立朝蓋多震撼擊撞三已四召砥柱自命風濤日有然曾微

濺沫以及先生積然乎其間顧往往樹德焉非其仁智之驗然哉先生狀貌魁梧望之泰山喬嶽而器度駘蕩即之恢恢然也與人言輒傾肺腑不以知故逆人其聞人善也洋洋然色喜嘗有味乎其言之也至不喜則慘沮怛傷之蒿目而已終不已出口其聞人急也毅然振錚之人有即之謀罔不竭忠以期于克濟以故無賢愚緩急隨深淺酌焉而無不得所欲而去者皆以先生當世鉅人長者也其諸指注尤鉅者贊築永嘉塲沙城以為瀕海屏蔽出粟平糶廣設糜粥日鋪千人以救乙巳之饑皆較然著明在人口矣至如修譜牒建宗祠著族約蘋藻孝鬼神行葦敦宗族匍匐救凶札不以身節嗇故儉其親不以菲廢禮

者固先生庸行也先生之生成化癸巳其卒嘉靖辛亥凡七十有九年其所積德累善亦不可以縷數矣蓋夫人而能見之能言之其諸細行瑣善端人應士可庶幾也彼其得天厚而引世長者亦將有陰陽以然其在署郎服官時乎夫曰忠信周旋扶植善類似矣亦言其大都爾往余蓋聞戚里有張皇親者云先弟縱橫弘正時以母后故弟嘗有殺人之辜史不敢發至先帝時發之史奏當殊死而可矣顧上意有所嗾震怒不測者致之族東朝動搖雖少師公不知其不可也先生銳意救之具言鞠凶酷戾不可而諍狀少師公大悟以聞于上久之事乃得解吏舉法而罷人咸以多張公察其本則先生也余嘗從少師仲子

尚寶君見少師造膝之疏抵牾上赫然震者數矣少師蓋不
獨以去就爭廼以身也微是固當有數十百人磔矣者且國體
其謂何哉推此則嘉靖丁亥甲午間諸臣有觸犯詔旨所
欲殺已而減價者非先生之力誰矣蓋少師公剛毅而明決有
古大臣風乃其嚴不殘廉不劇車出而不假力於駢脅者以有
先生在也秉鈞當國十數年所咨訊而生殺予奪者不可勝數
先生以其仁厚居間辨陶公之璧舍中山之麋固沒淫偏于海
內然則先生之業乃上與少師公而修廢也夫守職郎署而功
載寰宇尋聲循跡則不尸其有兩集凍釋草木萌起雲無處所
茲非所謂陰德玄善者耶其與屏一蛇活一雀^者功相萬也析圭

竊丘授環累世又足言乎

論曰深乎厓翁先生之有德于天下也以與少師公俱雖然輔
之善先之食何哉無亦天有所分予而先生則諫受之乎是故
位不滿滿于祿名不引引于壽身不遂遂于子孫固其理也世
多以先生素富貴而常衣麤食淡又治生不欲屑欲其則與彼
信陵北海食客者異與獨以先生蓋知消息之理其苦身居約
不欲洗腆以明得意固將大有所遺也昔有筮王氏者以淮水
在亡今以先生之德子孫脩之雖以帶甌江礪華山孰云不可
乎

明封宜人贈基人王母潘氏墓誌銘

淮海李春芳少師大
學士文定嘉靖丁未

元狀

潘宜人者故福建布政司左叅議王公配也宜人蓋永嘉龍灣里人潘公鬱女母張氏嘗有子女俱早世竟無嗣而獨宜宜人人性貞靜幼受句讀解文義年二十二歸叅議公叅議公家食時與其弟祭酒寺丞公同居爨以養二親悉家事付宜人宜人勤儉孝欵聞內事無巨細咸身任之乃事事當姑張恭人意恭人素嚴重顧獨賢宜人每曰冢婦固宜爾是善事我於是王氏無不稱宜人賢者又與二三婦姒協和宜其家以臻于理以故叅議公無內顧憂得專力于學始叅議公屢舉且第且艱于嗣宜人則勸慰之曰無後重事置媵圖之宜無不可得士人出

處固有特待之耳後叅議公舉于鄉如宜人言遂又得兩男子然皆宜人出也叅議公初仕為禮部司務使迎宜人宜人以親老于幼謝力往數年叅議公奉使歸欲攜二子就學京邸始與偕往公歷官庫部正即宜人拜恩誥得令封喜曰二親在堂二兒可室吾歸宜也方戒行而疾作遂卒乃叅議公請于朝以櫬歸竟侍養不出雖恬退之節由於推尚天亦以良助既失內無所倚故耶初宜人舉二子也晚愛甚矣顧教之嚴童時不伴與羣兒伍讎近褻事及任外傳一任獨策不代求寬假有過弗為隱侍膳大父母必別以櫛餐曰是不可使慣甘美他日能堪祖惡耶嘗年饑里人多麥飯亦令二子麥飯曰庶知農家常味既

勝冠未嘗與衣帛曰若曹布衣時欲須美服耶力學自得之又時時舉參議公祭酒公微時事以勗之曰此若父叔所以有今日也其謹識之勿忘嗟乎母之於子也愛而知教者固已鮮矣觀宜人所以教其子者不獨望其子以章句青紫已也乃跬步不欲其踰于禮雖古內所及詩書所載何以尚焉可謂賢明女士者矣宜人生成化丁酉正月十二日卒嘉靖甲午五月十四日得年五十有八明年祔窆于平山祖塋癸丑年正月八日始遷宜人與參議公合窆于宋魯之原男子二人長叔果庚戌進士今兵部職方司郎中次叔果壬戌進士今兵部武選司郎中女子一人適靈山丞嚴孔昭先宜人卒孫男四人光蘊光薦光

普光美曾孫男八人至言至充餘幼未名宜人卒後二十三年叔果以兵部職方主事滿考加贈恭人頃職方君奉狀詣余曰果兄弟不似惟母宜人懿行無不可紀以吾于言不朽余欽職方君伯仲令德夙茂誦母狀知其賢所自遂叙而銘之銘曰古重內治興廢是基家有嚴君是日母儀猗與宜人禮則無違相夫若賓訓子若師逮下勿忌神與岐巖身膺翟弟既貴以祺既貴以祺胡不永綏軒出觀歸亦孔之悲我銘幽石式播音徽千萬斯年以福爾嗣人于斯

明中憲大夫國子監祭酒鶴山王公墓誌銘


吉水門人羅

允文莊嘉靖
巳丑狀元

鶴山王先生舉嘉靖癸未進士之明年出知吉水吉水劇邑也
精于吏者成病其冗乃先生臨之殊不經意日出公庭數刻發
遣文移了爭訟幾事已復操筆為文辭亦數刻立就忘其身之
在公庭也暇日與諸生讎校經義或對客談古今詩律得失何
在雜以詼笑聽者忘疲其說經義不甚規規求合時調即在公
庭亦不喜為時調束縛而其詼笑嘗以取容上官與諸敗官行
事為譬若將論論已意者訟至多引古人忍讓事俾自悔改更
不禁繫以賦役留者言語歐歐如其家人父子節緒簡澹惟所
欲使不令人迫苦人亦踴躍趨事嘗恐後期邑中人人稱其易
與久之跡境內凶人王璇五六輩發其奸寘之憲典於是人人

又且畏顧奉法以為操縱在先生固不一以自奇如是者三年
一日也已而內召私語洪先曰吾舅柄用外間方且籍籍吾可
以身為口寶乎洪先力贊其法蓋先生為張文忠公乎敬之甥
年且相亞又交好也丁亥擢吏部文選司主事戊子出典廣東
鄉試庚寅擢考功郎中滿考擢南京通政司通政癸巳召主膳
黃未幾改國子祭酒兼經筵講官為吏部進退黜陟入務當情
寔尤能未拔幽滯直己無所他徇在國子歲餘振勵有方士多
所興起然其私心既不欲以身為人口寶常有引退屬二親
岳蒼乞歸養蓋屢疏始得請既連遭內外艱心不勝痛竟以疾
終其歸之年纔六十也先生長身玉立風致魁岸負氣不肯下

人不獨自視甚高望之者如塵外孤鶴不易籠絀久而窺其胸
次率自貶讓自其少特抱異質書過目卽成誦兼通諸經弱冠
以春秋魁兩劑而舉進士則以毛詩居常有意辟穀酷嗜仙釋
氏語稍長才名迸出傾壓行輩太宰喬白巖山人孫太初引為
文字交而於許台金汝白應邦升咸稱莫逆間因徐曰仁朱
守中問學於陽明王公徐金吾君皆測之諸君子也先生平生
磊磊若此然僅自效于下邑方躋顯位未獲盡其所長蓋然遽
至淪沒豈不惜哉議者以先生之才卽無親援固當得顯位即
有親援得顯位忘者必不敢相讒即相讒未有能中者顧自惜
其身而先幾引遯是可多見耶先生名激字子揚世居永嘉之



華蓋鄉至先生始徙郡中康樂坊曾祖珙祖封父鈺以先生貴
封通政司右通政母張氏文忠公之姊與其配邵皆封恭人先
生生成化丙申十月七日卒嘉靖丁酉八月十六日先四年而
邵卒己亥十月合葬于十九都交陽之原子二叔懋鴻臚寺署
丞叔程國子生女一適都指揮張大本孫男三先裕郡庠生先
祖光祿邑庠生洪先為諸生時先生試其經義賞識之又知其
所志不苟故每語以心事比登第纔一再見而先生別矣先生
既葬墓未有銘叔懋以書來曰子固知先子者不可辭銘又六
年始納銘于墓銘曰
于嗟鶴兮胡為乎來匪稻梁之謀而眾鳥羣猜其才高而貽災

分于嗟鶴兮胡為乎去將寥廓之遊而遺世弗懼其數奇而寡
遇兮

明贈太僕寺寺丞仁山王公墓誌銘

括蒼何鏗江
西樵學副使

嘉靖中倭寇起東南虜掠海濱諸郡邑人無虛歲所在望風奔
靡有司苟且飾功過無實為民屏捍民莫亦知所為生無久長
計嗟乎厄苦矣余嘗希冀必賢有司者出斯能為民樹保障脩
戰守備不然民間豪傑亦宜有激義奮勵守境土者乃始見烈
士王公云按烈士諱沛字子大號仁山居士永嘉英橋里人父
曰鉅號溪橋翁封通政使司右通政母張氏封恭人通政公有
隱德生三子長泰議公激仲祭酒公激季即烈士公精曉古禁

方以醫施於鄉因例授益府良醫狀貌歸奇個儻有大略抗厲
希古人風敦行孝友純祥泉石視二兄融顯澹如也又好義務
趨人之急里閭身先為之亡憚費財力人人稱王仁山王仁
山云始壬子倭寇掠黃巖偵導薄樂清縣永嘉人卒莫為備烈
士公羣鄉人諭之曰羣盜竊海隅為姦利非有戰勝殊莫來不
備為亂耳吾鄉人千餘家亦夥矣簡健士明訓約慎固厄塞鄉
自為守足為雄鎮押令賊知犄角絕窺伺吾郡宣直一隅丘墓
計耶眾唯唯如戒命又與族子僉憲君德協議為民望日夜謀
所以備寇者五郡人數歲時以母恐丙辰十月寇入南溪抵龍
灣人咸震懼公與僉事君率精兵禦之至上金下令曰賊散出

搶掠無鬪志我師整一鼓擒之耳眾踴躍向敵敵遂潰遁追殺
數十里馘數十人獲馬十餘疋賊噬指相戒不犯五都界兵憲
袁公以倡義顏公門時烈士公年已七十有二矣其奮義勇為
如此戊午四月寇復大至羣艘蔽海上燒虜至盤城及梅嶺謂
人謂弗能支宜且入郡城避其銳公喟然曰吾始倡議萃眾為
境土計鄉人以我故幸樂從英英凜凜有成績矣退尺失丈馬
得一身謀忍見鄉人流離成丘壠身仍偕僉憲君往禦抵梅嶺
寇佯為退伺僉憲兵分登山公駐兵山半勢單約賊從海上出
一艦奄至衝圍公公猶持戈擊殺數人遂遇害兵眾衛公不忍
舍亦被殺數十人鄉人聞公死哀震里巷遠近人士無不義公

痛公者公卒後再旬僉事君亦戰歿誓不負公也自是賊勢日
熾不可禦至圍攻郡城焚虜村落無深遠不至無復顧忌矣事
聞得贈太僕寺寺丞立祠令有司歲致祭廡于一人入國子學
先是把總夏君同知黃君死於寇眾皆悼惜公獨曰人等死耳
死王事徒死乎乃天性英毅所素嚮往然矣烈士哉烈士哉公
壯時常寓括蒼旅舍得富商雲三遺金百兩富商死逾年其子
來謁舉遂之無少負參議公創宗祠行族約眾推公年德優異
為一族長凡歲時謁奠率以身先之寒暑不怠鄉閭有鬪訟事
赴公剖析無不悅服去有古王烈風其保釐一方捍患死事又
炳炳最著者生成化乙巳六月十八日卒嘉靖戊午四月六日

配安人朱氏先公卒男子一人叔本郡庠生今廕人國子學女
子二人長適邑庠生林一桂次適瑞安姜天偶孫男子四人光
憲先蔭先著先蒂孫女子二人叔本卜於次年十二月二十四
日將寔公于茅竹山之原與朱安人合于是叔本手職方狀請
誌其藏余既論著其大都系之銘銘曰

矯矯橋翁濬發祥維伯維仲和鳴鏘鏘寔于天衢亦耀有光乃
及季氏垂老且強以死勤事捍患衛氓皇帝曰嗟惟烈士良詔
爾京秩寵爾幽壤育孤于國肇祀于鄉維不徒死既蹈其常後
千萬年式此貞藏

明中憲大夫廣東提刑按察使副使西華王公墓誌銘

吳郡王世貞

永嘉固多賢士大夫然無有如王氏若忠忝之為患而給事之
為節故自足娘娘而王氏之賢而著者則毋如西華公父子兄
弟西華公之父東厓公澈有帷幄密勿勳數歷中外晚而好行
其德於鄉且備享人間之樂以終公於進士不為晚為郎縉雲
參名藩不為拙甫染指而去超然物表暘谷公叔杲始從容出
應世以繼公之志於任官之日久其歸亦稍後然皆能自操其
出處之衡不為世法所繩束而世之望二公若太少二室之對
峙攝其巍峩而猶冀其蒸雲雨而二公者此乎莫之應行今年
三月公以壽考終其子鄉進士先蘊等卜以明年十二月葬于

石壇山之原而成書槩以狀請曰惟先生素知我父敢以誌銘
請賜谷以寓書曰惟先生之知吾兄以不穀故敢申請賜谷公
故嘗以大參飭治吳中軍事余得朝夕焉而用以悉公者也公
諱叔果字育德其先世瑯琊余與全始晉而徙山陰唐有大理
少卿從德者轉徙黃巖及宋有忠者復徙永嘉遂為永嘉人凡
七傳而為封通政公鉦即公王父也有二子東厓公任至福建
布政使司左叅議而仲子激至國子祭酒其通政封以則祭酒
賞云東厓公娶恭人年四十餘未舉子得異夢始舉即公公生
而英異甫七歲工儼語十三工屬文既長恂恂如也美鬚眉秀
皙體若不勝衣補博士弟子學使者合五郡諸弟子試之擢公

第一遂赫然有聲薦鄉書復高等明年罷會試歸讀書山中其
學益邃時東崖公方樹先祠輯世譜飭宗法公佐其成而評為
之說世所傳王氏約者也尋與賜谷公同游南太學時程文恭
公文德為祭酒而歐陽文莊公德為太常卿皆以講學名一時
致公兄弟為都肄長而稱揚之公以益有聲嘉靖庚戌成進士
時所謂中丞諍者族父同榜同邸舍日從事時政比詳之業以
使事歸覲東厓公稱觴上壽里人艷之亡何東厓公卒哀毀逾
禮既服除椽選塚舍者又四載而始謁選授兵部職方主事明
年與視西內工有金幣之錫復以使事歸省墓而倭事起族從
所為給事德者從義兵與角不勝死之族烏獸竄公與賜谷公

謀曰不早為儲胥將無族矣亟遂朝上書願以家索為城壁以捍賊而完其族報可時昭谷公猶在公車不復請與公捐索而躬畚鍤之役堡成賊有睨眦而已至今賴之尋遷其司員外郎聘同考會試所得多名士而大司空王廷瞻少司寇張岳李江其最著者遂遷郎中出閱視薊鎮兵持諸鎮既有帥而昌平平復設一總帥臨之名位相頡頏不能有所控御而煩費夥且不支公疏請從革所省以萬計有請修戎政志者例以史官充之六司馬楊襄毅公請以屬公書成進之曰京營紀改武選郎中武選最為猥雜疏史數公至當注選與諸寮精覈而次第之史不得有所悔宿弊若洗滌六載旅謁分宜相相前揖之曰故

人于耶蓋為東厓公有故僚誼也公卒不私往以是僅遷湖廣布政使司左叅議過里上疏乞骸骨不許公所治荆西為承天德安二郡承天世廟故邸也有先皇之陵在安德焉為景恭王初封國兩地中貴戚畹爭挾重魚肉赤子為業公一切刊之以禮不聽則裁之以法竟公任相戒無敢犯者詔修興郡志俾公具草上大史公既上而曰此獻皇帝紀也如志何屬同年高長史岱以志體別創而實其楮筆繕寫之費書成郡始有文獻矣地故有郢梁岐三絕王墳中貴之守者歲私其薨修費以千計公悉清裁之應山災公授糞樹法以啖餓者又為繕豐樂驛前後割私帑以贍不煩縣官公念謁陵者糜至其夫饑皆責之鍾

祥嘆曰鍾祥之民盡矣為請於撫臣俾疏酌道里遠近如兩京
中都以為謁陵節數多所減郵驛少息肩而會分宜相敗吏部
以公舊資重甫一載餘擢廣東按察副使時廣數中倭劫劫兵
計大帥兵司馬以公羸弱恐不任軍旅而重其文疏以內地學
政處之吏部知其指履公歸里聽用公喜曰司馬知我唯太宰
亦知我遂杜門不復出部移亟下監司守令勸駕旁午公悉謝
絕之家世奉東崖公遺素饒而公雅不問產聽子弟息之了不
知也日食不能時二簋寶以蔬菌間一咀脯魚乾脯衣僅布素
或三斡破則襜之姬妾粉黛亦不以入日過亦如無日生不曉
名儉寧論奢公府鄉里之謚不恒設設亦取成禮而已性介慎

不

不妄取于然至義施亦不廢如錫先祠置外塾廣墓田以教養
宗姓之類公有創而賜谷公成之賜谷公有創公頡而屬其子
先茲成之公居故所城堡而賜谷公家於郡公之郡則郡歲徵
蠲賔而已賜谷公時時過從公相與談笑寢處無間十餘年來
友于之風藹如也公一切無所嗜顧獨嗜書無一日不開卷於
子史百家下及釋官黃衣之說靡所不決第其所專精者六經
理性之學居恒謂儒者類以陸子靜先生言為近禪不知其非
禪也頗取朱元晦先生晚年之說而合之其創故自程國士敏
政然其所評析加精深而人以王伯安先生指心之良知是為
聖欲學者惺惺不昧以通乎晝夜之道而知若朱陸之稱性善

求放心其作用雖少殊而出於孟氏者則一性善故知良求放心故自惺惺不昧三君子之單提直入本非有二端也當是時泰和朝觀察直大名申攷功旆黃安耿御史大夫定向皆論薦君子頗推公以為得實際云然公誨光蘊必誠意盡倫砥行毋徒區區口耳為也賜谷公治別墅於賜湖窮極山水之勝其偉類為江東冠而公亦於半山故讀書處頗增飭庭宇剔洞整開陂塘間從子姓游一觴一咏陶然自適而已賜谷公不飲而邀客游必甲夜微聲奏伎客以豔稱之兩人意各自得也東崖公聞大耋至歿而公猶作孺子慕伏臘享奠悲不自勝既謝朝事稱不任然至聞一賢者用未嘗不津津見眉宇也一賢者退不

下

賢者進感然有憂色矣故少羸然以斷欲久神轉王談論夙昔不示倦既感脾胃疾猶強起具衣冠及欲始就枕謂光蘊兄弟曰夫人生而膠膠擾擾者夢也吾夢且醒矣復何言問體中得勝否不答已而曰願天生賢者自是或內子毋得挾婦女入謁已呼粥粥至猶能盡一甌已復就枕若寐熟者撼之逝矣公生以正德丙子得年七十有三始公病時宗黨數百人禱於宗祠及卒奔哭於殯里人哭於門皆盡哀娶林安人以德偕老有丈夫子三長光蘊鄉貢進士次光薦仕為光祿寺署丞次光普國子生孫男十至言至充俱庠生至齊至章至亮至奇至寢至充至雍至寧孫女五曾孫男十四欽典欽昊餘未名所著有永嘉縣

志十卷半山藏稿二十卷光蘊之狀公行累數千言余不能盡
志志其大者

銘曰不點染于欲不琢雕其朴應世之迹若風而漣過卽湛然
歛其後天以還先天幾不盡秘乃有文言談道者以爲混沌之
贅談執者以爲大年之權叩之公公俱舍旃

王憲使公傳

京山李維楨浙江按察使

隆慶戊辰進士

憲使王公叔果字育德浙永嘉人也其先瑯琊人晉居山陰唐
徙黃巖宋徙永嘉六傳爲通政鉅生澈累官左參議年四十餘
甫生公公有異質七歲能爲耦語儀度屹如成人初受詩已從
父官京師師盧翰林受禮經徐文貞公試第一補郡諸生薦於



下

鄉上春官罷歸與弟參政陽德及族子講業山中生徒羣集一
以公爲師參議公建宗祠輯世譜公佐其笑因著王氏宗約施
行至令已入南雍程文恭爲祭酒歐陽文莊爲太常公游其門
稱高第弟子既成進士上書省父父尋卒服除久之始授職方
主事督西內工賜金綺三年又以使事歸展墓島寇寇温州族
弟僉事公死焉公喟然曰吾宗家海濱先人有餘貲願治堡以
完宗人施及鄉井請於朝遷中界山巡檢司防堡報可仲公輟
偕計爲植堡成寇環睨無如之何也又三年以職方員外郎爲
會試同考官進士十九人多爲名公卿已遷郎中視師薊鎮疏
諸材官功罪裁昌平提督皆如議大司馬楊襄毅屬修京營志

已進武選郎中脩武選條例著為令凡選覈功次所由不失忝
察左右莫窺其隙有以寶玉介五百金行賂者斥之襄毅倚重
焉兩京督撫數臣若執金吾若諸方鎮總帥惟公所黜錄人不
敢干以私分宜相故與父同官稱通家公無所造請滿兩考出
為湖廣參議分部承天德安兩府承天肅皇潛邸中貴人留守
權出文吏上德安景恭王封國王帥人虎而冠公以嚴見憚省
郢梁岐諸王園陵費數千金歲饑捐俸及贖鍰食流民全活無
算初監司以上謁辭顯陵無虛日郵傳煩費公援中都兩京祖
陵例為限制官不廢業民不病供卒用其言踰年遷廣東按察
副使乞休不得督臣疏宜改學憲而公遂歸矣杜門不交外事

偏治其家祠先隴族有爭聽於宗不混有司設義塾訓羣弟子
置田以給孤嫠若貧不能葬者有速姻鄰脩學宮築堤捍海為
石門時蓄洩置義冢歲所掩骼萬計有司嚴重公或就問民疾
苦若修海塘復里役減漁稅從與行之初治堡斥橫塘故居於
外尋徙郡墨池已作室堡中居曰先世祠墓在弗忍違也蚤歲
讀書半山稍闢亭臺游詠其間蔬食布衣終身無媵侍不習握
筭不問家人生產而惟嗜書至老諷誦如諸生與子弟相論難
有會心者筆記之輯紫陽晚年與象山論合者為錄明其非禪
又言王文成指心之良知為聖欲學者惺惺不昧以通乎晝夜
而知紫陽象山推尊性善求放心之說性善故知良不放心故

惺惺不昧其致一也恭和胡直大名申縫麻城耿定向歸善李
鵬舉咸建其言其學先識本體而主勿自欺以惇倫躬行為實
際毋潘恭人卒京師輿歸哭踊足為腓喪父亦如之每時祭及
上冢悲號如始喪感動觀者為之流涕視仲公友愛特至公不
適聲色而仲公時盛絲竹延客夜飲公一觴一詠兩人意各自
得也貌不勝衣而神王讀書暇焚香默坐年七十有三感脾疾
越旬日語諸子曰人生夢也予幾醒矣問以安否不答惟曰願
天生賢者呼家人具粥粥已就枕鼾若熟寐迫視之瞑矣
論曰子為諸生時及見公公癯而短視即之息若在踵扣之如
洪鍾嘗行縣禽治縣胥吏為奸利若市魁盜藪武斷鄉曲者一

邑肅然是時海內方崇尚講學絕盜虛名耳惟公見諸行事深
切著明登第四十年立朝財八歲所至見思鄉人尸祝俎豆之
嘗書座右曰拙於用世將以施於家厚於望人莫若求諸己又
曰為天下惜財不必藏於己為天下任事無寧迂其身信然哉
公子光蘊尹寧都一介不取諸人有乾沒藏金株累吏民歲且
久出橐中裝結竟其事不忝為公子矣

明故太恭人王母林氏墓誌銘

林陵焦竑

翰林院修撰

太恭人林姓故憲副西華王公之配寧國郡丞光蘊光祿大官
丞光薦錄事光普之母也太恭人事西華公於職方時封安人
矣稱太恭人者以子貴進封也稱王母以母終也父濛母朱生

而負貴徵有志操舅參議東崖公爲子擇婦聞而委禽焉年二十一歸王氏王族大且貴參議公方巖居委家事不問太恭人上承下御顧事事當參議公意西華公見太恭人事事當參議公意也於是悉家秉付之太恭人即又事事當西華公意蓋賓祭秩秩如也飽養雖難如也出納井井如也惟謹已西華公起家職方諸子生嶄嶄露頭角太恭人留不行督就外傳夜篝燈程讀無少怠即諸子長矣出入交際必以告稍不應節必譙讓西華公出參湖省光蘊業舉於鄉薦亦受室太恭人始一偕往踰歲西華公晉左廣臬副甫艾也而有歸志太恭人不謂早也欣然奉公還當是時西華公恬澹之節天下莫不聞而曰吾得

割意羶途食風味道者以若人之相我也公已而光蘊任太恭人拊而屬曰若父之荊西卽絲粟不以煩縣官若所習也其益務自砥無忘父志爲予橐金二百又度官中需時致之自是所至察廉無不首先蘊矣居恒雞鳴起諸僮幹各以材受署太恭人盥櫛竟遍行室中眠則無不掣然者已晨朝諸子婦若孫婦據上坐諄諄以勤若填爲瑱規也移晷乃散丁酉光蘊以寧都最上考功進令封太恭人八十矣而思綸適至會蘊徙官歸薦予告善亦初拜官升堂上壽觴相屬觀者榮之歲庚子光蘊還自宣州太恭人感微疾輒環語子若孫如與訣者甫五日而殤時九月十有六日也距生正德戊寅正月七日享年八十有三

太恭人性勤約無所芬華絲臬老不去手自奉常取其薄而推
贏振乏必以厚裨身必謹於細而講於夫子間也常識其大其
剛行卓識謂王氏之女史非邪夫女德不外見然陳定之辭封
李審諸之却衆所以陰為助者亦豈微也哉太恭人一明於義
而夫婦白首相顧怡然以坐觀子姓之成立俾邑之嚴夫者媿
婦慈子者媿母而俗幾變是惡可泯也子光蘊娶林氏封孺人
光薦娶林氏光普娶朱氏孫男十人至言縣諸生至充至齊俱
國子生至章縣諸生至亮至奇 國子生至襄郡諸生至充國
子生至雍至宏女孫五適林承超項國昇何君侃俱諸生林邦
宗國子生林承裔諸生曾孫十七人欽典欽昊欽旦欽誼欽彝

欽準欽履欽讚欽謔欽鼎欽泰欽謚欽復欽晉欽恒欽諫欽業
曾孫女十人適彭如翱諸生張士楫侯應璧餘勿光蘊等以明
年二月二十日厝於石壇山之原祔西華公兆禮也先是御哀
著事狀而寓書於余使為銘銘曰

翳王氏裔始自瑯琊金陵來居班班史傳七十餘人厥聲奕如
淑媛相之若郗與謝亦圖亦書遙遙華胄再徙永嘉不替本初
迨中憲公乃有恭人繹繹徐徐夫奮於朝子克嗣之名埒璫璆
恭人歆然曰用而既寧留其餘石壇之丘雙壁共瘞峰迴水紆
太史作銘儷德齊齒有美不虛疇論世者曰百千祀石在玄廬

敕贈林孺人墓誌銘

京山李維楨浙江按察使前翰林修撰

永嘉之王氏自明興以來爲方內望族非獨其大夫能也蓋亦有女德之助焉以余所覩記則郡丞公配林孺人者可謂令德林於永嘉蕃庶殷富與王埒兩家世婚姻不絕郡丞爲憲使西華先子冢子其母林恭人卽孺人從姑也西華先生鞠躬履方後進所宗仰恭人相之咸有一德舉郡丞而器其才思簡美對恭人曰妾數歸寧諸昆弟兒女皆集惟吾兄壺峯公女瞻矚不凡足兒偶也遂委禽焉蓋壺峯公之配鄭媪蚤艱於嗣生孺人而愛之甚授孝經論語舉其辭復能晰其義家故鉅富閭政繁母善病弱不勝衣孺人從翁贊之中節父母大說及笄而屬使

攝母委已以聽內外謚如則所繇受知恭人也年二十于歸事尊章有禮恭人寡言而孺人識其意指無所拂違嘗爲恭人抑搔背痛患處塗藥溫煖輕重調適而善事諸娣婦任從勞享薄交歡無間先生與恭人省其私而喜可知也郡丞厲志於學雖始婚十九在外舍孺人宴媒之私不介於容休沐居內雞鳴而起以爲常部使者檄校官哀諸生所爲文籍奏之郡丞具草中夜燭再見跋矣有倦色孺人舉燭繼之徹曙乃已以故郡丞學日精詣逾弱冠薦於鄉而九上春官不第厭薄之且就除孺人持不可仕有時爲貧君不貧何以仕娶有時爲養是在妾矣郡丞不問家人生產作業而孺人綜理井井枚枚益治于爲女

時歲時祀先朝夕羞憲使恭人悉孺人手所治也入其室浥掃
潔諸品物位置端整機杼刀尺卷揄相笔旨蓄御冬蒯管代饋
以審守委積益藏夙興夜寐孜孜如或不及郡丞請少休孺人
曰妾日聞君誦詩若葛覃卷耳采芣采蘋七月諸篇自天子諸
侯之妃莫不務勤而況士大夫之妻耶郡丞無以難容交際或
遇豐腴郡丞重辭却孺人輒諷之古人之幣交也爲恭今人之
幣也薦賄君所不足非財何需此郡丞識其言不忘其後居官
以清白聞鄭媪喪有年所矣語及輒涕泗交頤而色養壺峯公
沒身不衰諸子長出就外傳質明而起中宵乃罷不少姑息杜
燕朋燕僻戒私假私與廩廩有嚴君之訓焉疾且革謂郡丞妾

幸而有子卽先朝露無恨願婚嫁之累獨煩君子將奈何遂卒
萬曆癸未五月十有五日也距生嘉靖丁酉八月十有七日年
四十有七生而爲富家女長而爲貴家婦退然自下不知于色
王氏諸姑伯姊慶吊餽問豐殺稱其服里婦之寡者貧者推食
解衣于焉寄生卒之日三黨四郊男女數百千人臨喪盡哀又
十四年郡丞以寧都令考最勅贈孺人云孺人產男子四人至
言至章俱諸生至奇太學生至褒亦諸生女子二人長適壺峯
公從孫諸生承超次遠項甌東先生曾孫諸生國昇孫男子八
人欽吳欽旦欽履欽鼎欽泰欽復欽晉欽恒孫女子八人一適
諸生彭如翱一字張士楫一字侯應璧餘幼孺人卒後一年卜

葬膺符鄉半山從通政公之左隴郡丞曾王母張恭人王母潘
恭人母林恭人世嗣徽音壽率至耄耄次亦稱老獨孺人中壽
不逮見夫若子成名以是戚戚而謂不佞累世通家謬以文辭
見推于時庶幾可不朽孺人者使爲志且銘銘曰

貴不期驕富不期後世祿之家鮮克由禮居寵能降受成思始
丈夫所難矧伊女子母黨夫黨善富榮貴克勤克儉勉盡瘁
儉無廢養勤無惜惠不肅而嚴用成厥嗣爲婦德婉爲妻柔正
爲母可儀爲女則令始衷終舉沒寧存順猗與孺人庶無遺行
惟彼永嘉王氏世德天釐女士以敦內則榮名不朽帝賚璽敕
史銘玄宮與之罔極

明修職佐郎光祿寺錄事玉沙王公墓誌銘

東陽許弘綱
兵部尚書

往余承乏諫垣倡爲同鄉之集唯以浙東上六郡諸士大夫之
在燕邸者凡兩月一修舉以其壤相比俗相習禮意殊親洽若
加殷也每折簡相召迭爲賓主時余所心儀者獨永嘉玉沙王
公稱莫逆云及余出撫粵中鱗羽歲時不乏比抵舍聞公已脩
然棄人間實深知己之慟居亡何而厥嗣至齊以狀來徵銘余
手之漣如不忍讀嗟嗟余何忍遽銘公耶按狀公諱光晉字季
仁玉沙其別號也先世瑯琊人至晉而徙山陰唐有大理少卿
從德者徙黃巖及宋有惠者復徙永嘉遂爲永嘉人凡四傳而
爲樵雲公毓能昭其德用啓後人又四傳而爲溪橋公鉅以仲

子貴贈通政溪橋公長子東厓公澈仕至福建布政使司左叅
議郎公王父也仲鶴山公澈官祭酒東厓公二子長西華公叔
果廣東按察司副使次暘谷公叔果福建布政使司左叅政西
華公三子公其季也公皙白而鬚威重不妄言笑望而知爲長
者也少與族兄憲長省菴公受詩於侍御葉仰山公才名相埒
省菴公旣成進士公乃去而卒業成均非其好也家居奉憲副
公暨林太恭人無違色疾痛痾瘵不啻其身有之少遇吉祥善
事必多方務盡其權憲副公之歿也年七十餘而公猶爲孺子
泣奄奄骨立殊不欲生公念太恭人老伯仲皆服官願侍左右
終養太恭人強之曰我眠食自如忍見少兒以一儒冠老公不

已乃謁選受光祿寺監事先居是職者多因仍左右爲政弊竇
至不可稽鈎公獨精心綜覈汰其浮費歲省官家金錢若干緡
大爲寺卿孫藍石公所器重甫滿考乃奉太恭人諱以歸其哀
慕一如居憲副公喪服闋陞本寺錄事益陟眷有加諸曹皆莊
事之惟謹時巡視臺省及主爵共賢之將以不次處公會有嘆
公者以萇菲中公會當事雅習公賢事竟得白而公遂飄然不
俟終日矣相國張文忠賜第在京師者久爲內官所據公獨慨
然謂子曰昔人有云召伯之治猶能惠及甘棠而謝文靖之德
更不保三畝之宅今得無復發此嘆耶乃檢索贖券歸之張氏
而文忠之去璧復完跡其慕義無窮雖古盛節無以加也子乃

手署券尾以志嘉予之誼至今都人士猶能津津誦之不哀公
既歸不復問家人產而益好行其德若助修祠宇助脩學宮助
族之貧而不能婚嫁適而不能完官者喪葬而不能棺槨埋瘞
者屬歲儉即出糶粟平糶最下者貸焉而不索其券治邑中遠
道數十里為起橋梁諸所賑恤施舍歲無虛日而公了無倦容
其自奉蔬筍韋布所居圖書四壁一似憲副公素風穆如也閨
門雍睦不置妾媵橫塘祖居傾圮公鳩工鼎新之願其堂曰繩
武及預卜壽藏擇其近先壟者而營之曰歿而有知猶之手長
侍膝下也其侍仲父祭知暘谷公如侍父與伯兄郡丞玉洞公
仲兄州丞玉淙公白首怡怡無間言當在光祿時人有仇其從

弟而訐之闕下者公挺身營救百方不避艱險事已更絕口不
言其內行淳篤類如此者故人忤公而公不較人欺公而公不
疑泛泛焉虛舟之在江湖而聽其自止也公素強無疾庚申秋
忽沾微恙然不廢匕箸將易簣猶端坐啜粥集子姓而訓之力
學砥行語不及私俄而就枕若熟寐者撼之逝矣享年七十有
六配朱安人稱齊德先公卒子男三至齊至宸俱太學生至雍
郡庠生天啟辛酉與朱安人合葬焉銘曰君才也而局於上庠
賢也而厄於卽若翁若張惟命靡常然取數於天地者豐而約
樹德於中外者美而彰是謂不亡而安而藏卜世永昌

太學生慈齋王君傳

君諱應祥字國楨號慈齋其始祖惠由閩遷浙之永嘉傳八世至東厓公諱澈正德癸酉科舉人官福建布政司叅議弟鶴山公諱激嘉靖癸未科進士歷任通政司右通政祭酒講官其後科甲蟬聯以文學政績著者代不乏人祖克臣鄉飲賓父科錄國學生君賦資穎異讀書過日成誦塾師甚異之早年入太學研究經史能會其大意以家資中落遂躬會計治生業漸致饒裕性慷慨邑有商人某困負欠無措將就死君貸多金與之並為乞貸於他人如期不償君粥田宅代為清理其周急濟危多類此卒於嘉慶癸酉年九月二十四日年四十六妻蔣氏賢而

矢志子二人玉士君歿時尚幼屬以勤謹讀書今俱入庠食餼歲歲科試常列前茅余觀察甌括考試書院閱其文而器之戊子孟春玉具君行略乞為傳

論曰昔司馬子長緣事坐罪力不能贖無朋友好義之助因作貨殖傳以寄慨易言利物足以和義能尚義則利亦義也君慷慨好施周人之急濟人之難而不望報以視世之壅吞擁厚貨目覩其親戚之饑困而漠不知恤者其為人之賢不肖相去何如邪

賜進士出身分巡溫處兵備道樂陵賈聲槐撰

溫州府 印 公 啟